



Pronalazak droge i oružja, oduzeto motorno vozilo

Dana 14.03.2023.godine u 21,20 sati, na raskrsnici ulica **Azize Šaćirbegović - Vilsonovo šetalište**, općina **Novo Sarajevo**, policijski službenici Odjeljenja za borbu protiv zloupotreba opojnih droga, Sektora kriminalističke policije izvršili su pretres lica **M.K.**, rođen **1988.** godine, nastanjen u Velenju, državljanin R Slovenije. Tom prilikom kod njega su pronađena i oduzeta tri paketića sa materijom koja asocira na opojnu drogu **kokain**. Zbog postojanja osnova sumnje da je počinio krivično djelo iz člana 239. stav 3. KZ F BiH (**Posjedovanje i omogućavanje uživanja** opojnih droga), osumnjičeni je lišen slobode i sproveden u službene prostorije. Na osnovu naredbe Suda Bosne i Hercegovine, policijski službenici su u saradnji sa policijskim službenicima PU Istočno Sarajevo, uz saglasnost dežurnog tužioca Tužilaštva BiH, na području općine Novo Sarajevo izvršili pretres putničkog motornog vozila marke "Audi A6", vlasništvo M.K. Prilikom pretresa pronađeno je i privremeno oduzeto sljedeće: pištolj marke "CZ" cal. 7,65 mm, sa okvirom i **pripadajućom municijom**, za koji ne posjeduje odobrenje nadležnog organa, veća suma novca u različitim apoenima i dva mobilna telefona. Također, od osumnjičnog je privremeno oduzeto i predmetno vozilo. Nakon završene kriminalističke obrade, dana 15.03.2023. godine u 05,00 sati, M.K. je predat u daljnu nadležnost policijskim službenicima PU Istočno Sarajevo. O svim preduzetim mjerama i radnjama obaviješteni su dežurni tužioci Tužilaštva BiH i Kantonalnog tužilaštva Kantona Sarajevo.

15.03.2023